



Općinski načelnik

Broj: 02-14-2071/18

Datum: 16.01.2019. godine

Na osnovu člana 69. st. (1) tačka b) i stav (2) tačka d) Zakona o javnim nabavkama («Sl. glasnik BiH», br. 39/14), člana 70. Zakona o organizaciji organa uprave u Federaciji Bosne i Hercegovine („Službene novine F BiH“ broj: 35/05), člana 38. stav 1. tačka 6. Statuta Općine Gradačac („Službeni glasnik Općine Gradačac“ broj: 4/08, 5/12, 1/17, 5/18 i 8/18), a u vezi sa Pravnim mišljenjem broj: M-108/2018 od 12.10.2018. godine Općinskog pravobranilaštva Gradačac, u postupku javne nabavke usluga popravka i održavanja vozila za potrebe Općine Gradačac, Općinski načelnik d o n o s i

O D L U K U

o poništenju postupka javne nabavke usluga popravka i održavanja vozila za potrebe Općine Gradačac

Član 1.

Poništava se postupak javne nabavke: konkurentski zahtjev za dostavu ponuda za nabavku usluga popravka i održavanja vozila za potrebe Općine Gradačac, uz zaključenje okvirnog sporazuma, evidencijski broj nabavke: 02-14-2071/18 od 17.08.2018. godine, broj Obavještanja o nabavci sa Portala javnih nabavki: 1400-7-2-73-3-51/18 od 27.08.2018. godine.

Član 2.

Za realizaciju ove Odluke zadužuju se Općinska služba za privredu, budžet i finansije i Općinska služba za društvene djelatnosti i boračko-invalidsku zaštitu.

Član 3.

Ova Odluka stupa na snagu danom donošenja i objavit će se na web stranici Općine Gradačac u skladu sa članom 70. Stav (6) Zakona o javnim nabavkama, istovremeno sa upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Dana 25.07.2018. godine Općinska služba za društvene djelatnosti i boračko-invalidsku zaštitu podnijela je Općinskoj službi za privredu, budžet i finansije zahtjev broj: 05/1-14-29/18 za pokretanje postupka javne nabavke.

Odlukom broj: 02-14-2071/18 od 23.08.2018. godine pokrenut je postupak javne nabavke za usluge popravka i održavanja vozila za potrebe Općine Gradačac, a dana 27.08.2018. godine pod brojem: 1400-7-2-73-3-51/18 objavljena je javna nabavka na portalu javnih nabavki. Za sprovođenje postupka predmetne javne nabavke odabran je konkurentski zahtjev uz zaključivanje okvirnog sporazuma. Pozivi za preuzimanje tenderske dokumentacije u sistemu e-nabavke upućeni su na tri adrese potencijalnih ponuđača: „Auto servis Omerčić“ d.o.o. Gradačac, „Schtark“ d.o.o. Gradačac i „M&M auto“ d.o.o. Gradačac. Do ostavljenog roka ponudu je dostavio ponuđači: „Auto servis Omerčić“ d.o.o. Gradačac. Nakon evaluacije ponuda od strane Komisije za javne nabavke Općine Gradačac (dalje: komisija za javne nabavke), Općinski načelnik je dana 13.09.2018. godine donio

Odluku o dodjeli ugovora broj: 02-14-2071/18 (dalje: Odluka o dodjeli ugovora) kojom je, u skladu sa preporukom Komisije za javne nabavke, ugovor dodijelio (jedinom) ponuđaču koji je ponudio najnižu cijenu (u skladu sa odabranim kriterijem za dodjelu ugovora) „Auto servis Omerčić“ d.o.o. Gradačac.

Prije potpisivanja ugovora sa odabranim ponuđačem, kompletan spis je dostavljen Općinskom pravobranilaštvu Gradačac, radi očitovanja o potpisivanju ugovora. Svojim dopisom broj: M-108/2018 od 12.10.2018. godine stavljene su primjedbe na valjanost ponude ponuđača „Auto servis Omerčić“ d.o.o. Gradačac u dijelu koji se odnosi na cijenu za ponudu okvirnog sporazuma. Ponovnom provjerom dostavljene ponude utvrđeno je da u ponudi nije navedena cijena za period na koji se namjerava zaključiti okvirni sporazum.

Članom 69. stav (1) tačka b) Zakona o javnim nabavkama propisano je da se postupak javne nabavke može okončati poništenjem postupka javne nabavke, a stavom (2) tačka d) istog člana propisano je da ugovorni organ može poništiti postupak javne nabavke u slučaju da nijedna zaprimljena ponuda nije prihvatljiva.

Obzirom da je samo jedna ponuđač dostavio ponudu po predmetnoj javnoj nabavci, a da dostavljena ponuda nije prihvatljiva jer ne sadži sve potrebne elemente i podatke, odlučeno je kao u dispozitivu ove Odluke.

Pouka o pravnom lijeku: Protiv ovog Rješenja može se izjaviti žalba Uredu za razmatranje žalbi Bosne i Hercegovine u roku od 5 dana od dana njegovog prijema. Žalba se predaje ovom organu pismeno ili putem pošte u tri primjerka.

DOSTAVITI:

1. Ponuđaču – 1x
2. Evidenciji – 1x
3. a/a – 1x

